

春秋傳服氏注

春秋傳服氏注一

鄭氏佚書十五之一

鄧袁鈞學

唐會要載宋均詩緯論序云我先師北海鄭司農
春秋孝經唯有評論又載春秋緯注云爲春秋孝
經略說世說新語鄭元欲注春秋傳尙未成與服
子慎遇宿客舍服在外車上與人說已注傳意元
聽之良久多與已同就車與語曰吾久欲注尙未
了聽君向言多與吾同今當盡以所注與君遂爲
服氏注如上所說鄭于春秋傳雖未有成書而服
氏書出于鄭卽鄭學也容有小異大指蓋不殊矣

隋志服氏左氏傳解詁二十一卷舊唐志作三十

卷今亦不傳哀集之得十二卷存服所以存鄭也

隱公左氏傳解詁第一

攷證曰集解隱第一疏稱服虔所注題如此今于已下十一公

並依此題

惠公元妃孟子孟子卒

嫌與惠公俱卒故重言之下仲子亦然

本疏

繼室以聲子

聲子之諡非禮也

通典凶禮篇攷證曰晉書禮志云聲子為諡服虔諸儒以為非

春王周正月

元年

孔子作春秋于春每月書王以統三王之正

本疏

不書即位

四公皆實即位孔子修經乃有不書

本疏攷證曰疏稱賈服之說以

爲賈說同也

公及邾儀父盟于蔑

儀父嘉隱公有至孝謙讓之義而與結好故貴而字

之善其慕賢說讓

本疏攷證曰疏稱賈服

未王命故不書爵

爵者醢也所以醢盡其材也

本北杏之會時已得王

命

同上攷證曰疏稱賈服

及其叔段

共諡

本疏攷證曰疏云賈服以共為諡是賈說同案史記鄭世家注引出奔共賈姓共國名也則此

疏誤

大叔完聚

以聚禾黍也

本疏

謂之鄭志

公本欲養成其惡而加誅使不得生出此鄭伯之志

意也

本疏

不及黃泉

天元地黃泉在地中故言黃泉

史記鄭世家注攷證曰又見文選穆熙伯

挽歌古詩十九首揚雄刺秦美新三注

公入而賦大隧之中其樂也融融姜出而賦大隧之外其樂也洩洩

入言公出言姜明俱出入互相見本疏

天王使宰咺來歸惠公仲子之賵

咺天子宰夫周禮大行人疏賵覆也天王所以覆被臣子本疏

同軌畢至

軌車轍也本疏

有宋師

宋師卽黃之師也是時宋來伐魯公自與戰本疏

紀裂繻來逆女卿爲君逆也二年

鄭氏佚書春秋傳服氏注一

不稱主人母命不通故稱使婦人無外事

儀禮士昏禮疏

潢汙行潦之水

三年

畜小水謂之潢水不流謂之汙行潦道路之水

本疏攷證

曰文選班固答賓戲注引前二句水不流作不洩

東宮得臣之妹

得臣齊世子名居東宮

詩碩人疏

驕奢淫佚所自邪也

言此四者過從邪起

本疏

將修先君之怨于鄭

四年

先君莊公

本疏

先君之怨隱二年鄭人伐衛是也

詩擊鼓序

疏攷證曰譜依世家以桓公爲平王三十七年
卽位則鄭以先君爲桓公矣服云莊公疑誤

以除君害

公子馮將爲君之害

詩擊鼓序疏

敝邑以賦與陳蔡從

賦兵也以田賦出兵故謂之兵賦正謂以兵從也

論語

公治長疏攷證曰又見詩擊鼓序疏謂之下無兵字

故宋公陳侯蔡人衛人伐鄭

衛使宋爲主使大夫將故敘衛于陳蔡下

詩擊鼓序疏

衛人使右宰醜蒞殺州吁于濮

右宰醜衛大夫濮陳地

史記衛世家注攷證曰索隱引濮陳地三字作賈注

以數軍寶

五年

鄭氏曰軍所以討獲曰寶

文選左思吳都賦注攷證曰疑是服引鄭說

昭文章

周禮大司馬職云中秋教治兵辨旗物之用王載大

常諸侯載旂軍吏載旗師都載旛鄉遂載物郊野載

旒百官載旗遂以獮田

木疏攷證曰疏言服虔引大司馬職文不列其詞今據周

禮補入

不登于俎

登升

本疏

不登于器

登成

本疏

考仲子之宮

宮廟初成祭之名爲考將納仲子之主故考成以致

其五祀之神以堅之

本疏

天子用八諸侯用六大夫四士二

天子八八諸侯六八大夫四八士二八

宋書樂志攷證曰本疏云

服虔以用六爲六八四十八大夫四爲四八三十二士二爲二八十六

夫舞所以節八音而行八風

八卦之風乾音石其風不周坎音革其風廣莫艮音

匏其風融震音竹其風明庶巽音木其風清明離音

絲其風景坤音土其風涼兌音金其風闐闐

本疏

鄭人來渝平

六年

公爲鄭所獲釋而不結平于是更爲約束以結之故

曰渝平

本疏

宋人取長葛

長葛不繫鄭者刺不能撫有其邑

本疏攷證曰疏稱賈服

初戎朝于周發幣于公卿凡伯弗賓冬王使凡伯來聘

還戎伐之于楚丘以歸

七年

戎以朝禮及公卿大夫發陳其幣凡伯以諸侯爲王

卿士不得修賓主之禮敬報于戎是以冬天王使凡

伯來聘還戎伐之于楚丘以歸儀禮親禮疏

及鄭伯盟歆如忘

如而也臨歆而忘其盟載之辭言不精也本疏

先配而後祖八年

大夫以上無問舅姑在否皆三月見祖廟之後乃始

成昏故譏鄭公子忽先為配匹乃見祖廟禮記曾子問疏攷證

曰禮記疏稱賈服之義

諸侯以字為諡因以為族

公之母弟則以長幼為氏貴適統伯仲叔季是也庶

公子則以配字為氏尊公族展氏臧氏是也本疏

官有世功則有官族邑亦如之

止謂異姓宋司城韓魏□□

本疏攷證曰疏引上四字云又引宋司城韓魏

爲證韓魏下當有是也二字今爲空方記之

先者見獲必務進

九年

先者見獲言必不往相救各自務進言其貪利也

本疏

爭長

十一年

爭長先登授玉

儀禮鬯禮疏

周之宗盟

宗盟同宗之盟

太疏

顧考叔挾輅以走

考叔挾車轅筆馬而走

本疏

使營菟裘吾將老焉

菟裘魯邑也營菟裘以作宮室欲居之以終老也

史記

魯世

家注

館于蔦氏

館舍也蔦氏魯大夫

魯世家注

春秋傳服氏注二

鄭氏佚書十五之二

鄧袁鈞學

桓公左氏傳解詁第二

宋華父督
元年

戴公之孫

史記宋世家注

目逆而送之

目者極視精不轉也

史記宋世家注

會于稷以成宋亂
二年

成宋亂成就宋亂

本疏攷證曰疏言鄭眾服虔皆以爲鄭眾同也

宋殤公立十年十一戰

鄭氏佚書
春秋傳服氏注二

與夷隱四年卽位一戰伐鄭圍其東門再戰取其禾
皆在隱四年三戰取邾田四戰邾鄭入其郛五戰伐
鄭圍長葛皆在隱五年六戰鄭伯以王命伐宋在隱
九年七戰公敗宋師于菅八戰宋衛入鄭九戰宋人
蔡人衛人伐戴十戰戊寅鄭伯入宋皆在隱十年十
一戰鄭伯以虢師大敗宋師在隱十一年

本疏攷證
曰史記宋

世家注引
賈說略同

大路越席

大路祀天車也

史記禮
書注

總名也如今駕駟高車矣尊

卑俱乘之其朱飾有差

劉昭續
漢書注

越席結括草以爲席

也

史記禮書注

藻率鞞

藻畫藻率刷巾

本疏

鞞厲游纓

鞞大帶厲是大帶之垂者

禮記內則疏攷證曰詩都人士疏云服虔以鞞爲大

帶

纓如索帶今乘輿大駕有之

本疏

錫鸞和鈴

鸞在鑣和在衡

史記禮書注

三辰旂旗

三辰日月星也謂之辰者辰時也日以照晝月以照

鄭氏佚書

春秋傳用氏注二

二

夜星則運行于天民得其時節故謂之辰也

詩大明疏

旂旗九旂之總名

儀禮親禮疏攷證曰親禮疏上承三辰謂日月星六字

遷九鼎于雒邑

今河南有鼎中觀

書召詰疏

蔡侯鄭伯會于鄧

鄧國蔡鄭會于鄧之國都

本疏攷證曰疏言賈服以鄧為國言蔡鄭云云

士有隸子弟

士卑自以其子弟為僕隸祿不足以及宗是其有隸

子弟也

儀禮既夕疏

韓萬御戎

三年

韓萬晉大夫曲沃桓叔之子莊伯之弟晉爲大夫以

韓爲氏

詩韓奕疏攷證曰晉世家注引賈說略同

王爲中軍虢公林父將右軍蔡人衛人屬焉周公黑肩

將左軍陳人屬焉

五年

言人者時陳亂無君則三國皆大夫也故稱人

詩伯序

疏

秋大雩

夏祭天名也

續漢書禮儀志注攷證曰雩遠也遠爲連下引至膏雨止祈作求

百穀祈膏雨言大別山川之雩也

禮記月令疏攷證曰本疏引賈注其

首句卽同

此末句也

鄭氏佚書

春秋傳服氏注二

三

啟蟄而郊

一說郊祀天祈農事雩祭山川而祈雨也續漢書禮儀志注

魯祭天以孟月祭宗廟以仲月禮記王制疏

龍見而雩

龍角亢也謂四月昏龍星體見萬物始盛待雨而大

故雩祭以求雨也續漢書禮儀志注

始殺而嘗

始殺孟秋

本疏攷證曰疏言賈服始殺惟據孟秋不通建酉之月

涓于公如曹

春秋前以黜陟之法進爵爲公本疏

吾牲牷肥腍 六年

牛羊曰肥豕曰腍 本疏

子同生

桓公之太子莊公同 御覽皇親部太子類

接以太牢

接者子初生接見于父 御覽皇親部太子類

以德命為義

謂若太王度德命文王曰昌文王命武王曰發 本疏

不以畜牲

六畜馬牛羊豕犬雞 本疏攷證曰疏稱鄭服虔皆以為鄭眾同

鄭氏佚書 春秋傳服氏注二

不以器幣

俎豆彝彝犧象之屬皆不可以為名也本疏

宋以武公廢司空

廢司空為司城禮記檀弓疏下攷證曰檀弓司城子罕注宋以武公諱司空為司城疏云

知有司城者以春秋時惟宋有司城無司空又匠人營國是司空主營城郭故知云云服虔杜預注傳皆

以為□□□子罕戴公子樂甫術之後同上攷證曰其上當

然有宋有司城四字禮疏引

文節去爾今作空方記之

穀伯鄧侯來朝名賤之也七年

穀鄧密邇于楚不親仁善隣以自固卒為楚所滅無

同好之救桓又有穀賢兄之惡故賤而名之本疏

曹大子來朝賓之以上卿禮也

九年

大子桓公子莊公射姑曹伯有故使其大子攝而朝
曲禮曰諸侯之嫡子攝其君未誓于天子則以皮帛
繼子男諸侯之上卿之禮也上卿出入三積食三牢
率二一享一食宴之也

御覽皇親
部太子類

初獻

初獻酒如獻爵

御覽皇親
部太子類

樂奏而歎施父曰曹大子其有憂乎非歎所也

樂奏人上堂也大子歎而哀樂也施父魯大夫

御覽
皇親

部太子類

古之爲享食所以觀威儀省禍福無喪而戚憂

即天失誓

春秋傳服氏注二

五

必讐焉今大子臨樂而歎是父將死而兆先見也本疏

齊衛鄭宋盟于惡曹十一年

不書宋宋後盟本疏攷證曰經不書宋而傳有宋故服注云然不書上當有經字

君多內寵

言庶子有寵者多史記鄭世家注

雍氏宗有寵于宋莊公

爲宋正卿故曰有寵鄭世家注

夫固謂君十三年

夫謂鬬伯比也襄二十三年疏

及齊與宋衛燕戰

衛侯先君未葬而偁爵譏其不偁子

禮記曲禮疏攷證曰疏偁賈服

注案經云及齊侯宋公衛侯燕人戰此注首似當有經書二字

不書所戰後也

不日者公至而後定戰日地之與日當同時設期公

既不及期地安得及期日也

本疏

壬申御廩災乙亥嘗誓不害也

十四年

魯以壬申被災至乙亥而嘗不以災害爲恐

本疏

鄭伯因櫟人殺檀伯而遂居櫟

十五年

檀伯鄭守櫟大夫櫟鄭之大都

水經潁水注攷證曰史記周本紀注引櫟

注

集日初書

烝于夷姜 十六年

上淫曰烝 詩雄雉序疏

構急子

構會其過惡 詩二子乘舟疏

使盜待諸莘

莘衛東地 二子乘舟疏

天子有日官諸侯有日御日官居卿以底日 十七年

日官日御典厯數者也是居卿者使卿居其官以主

之重厯數也 周禮大史疏

齊侯通焉 十八年

凡淫曰通

詩雄雉序疏攷證曰凡一作傍

享公

爲公設享讌之禮

史記魯世家注

齊侯師于首止

首止近鄭之地

史記鄭世家注

祭仲逆鄭子于陳而立之

鄭子昭公弟子儀也

詩出其東門序疏

春秋傳服氏注三

鄭氏佚書十五之三

鄧袁鈞學

莊公左氏傳解詁第三

不傅卽位文姜出故也

元年

文姜通于兄齊襄與般公而不反父般母出隱痛深

諱

魏書寶
璵傳

夫人孫于齊

蓋魯桓公之娶從齊來

詩南山
序疏

桓公之薨至是年三

月期而小祥公憂思少殺念及于母以其罪重不可

以反之故書孫于齊耳其實先在于齊本未歸也同

鄭氏佚書

春秋傳服氏注三

攷證曰疏傅賈逵服虔

不傅姜氏絕不為親禮也

夫人有與般桓之罪絕不為親得尊父之義善莊公

思大義絕有罪故曰禮也

魏書寶瑗傳

入告夫人鄧曼

四年

鄧曼姓也

史記楚世家注

治兵于廟

八年

欲共伐郢

本疏攷證曰疏傅何休服虔言

瓜時而往曰及瓜而代

瓜時七月及瓜謂後年瓜時

史記齊世家注

連稱有從妹在公宮

爲妾在宮也

齊世家注

見大豕從者曰公子彭生也

公見彘從者乃見彭生鬼改形爲豕也

齊世家注

家人立而啼

啼呼也

文選左思蜀都賦注

公伐齊納子糾桓公自莒先入

九年

齊大夫來迎子糾公不亟遣而盟以要之齊人歸迎

小白

本疏攷證曰疏稱賈服

蒙皋比而先犯之

十年

樂記云倒載干戈包之以虎皮名之曰建橐而其字

或作建皋

本疏攷證曰疏偏服虞解引樂記以解此

覆而敗之曰取某師

十一年

覆隱也設伏而敗之謂攻其無備出其不意敵人不

知敗之易故曰取

本疏

宋公靳之

恥而惡之曰靳

本疏攷證曰又見釋文

羣公子奔蕭公子御說奔毫

十二年

蕭毫宋邑也

史記宋世家注

陳人使婦人飲之酒而以犀革裹之

宋萬多力勇不可執故先使婦人誘而飲之酒醉而

縛之

宋世家注

宋人皆醢之

醢肉醬

宋世家注

初內蛇與外蛇鬪于鄭南門中內蛇死六年而厲公入十四年

蛇北方水物水成數六故六年而厲公入

本疏

公父定叔出奔衛三年而復之曰不可使其叔無後于鄭十六年

定叔之祖其叔段有伐君之罪宜世不長而云不可

使其叔無後于鄭言其刑之偏頗鄭厲公以孽篡嫡同惡相恤故黨于其叔欲令其後不絕傳所以惡厲

公也

本疏

有域為災也

十八年

短狐南方盛暑所生其狀如鼃古無今有含沙射入

人皮肉中其瘡如疥徧身溲溲域域故曰災

周禮蠲氏疏攷

證曰本疏引徧身六字域作或

執燕仲父

二十年

南燕伯爵

本疏

鄭伯享王于闕西辟

二十一年

西辟西偏也當謂兩觀之內道之西也

本疏

鄭伯之享王也王以后之醵鑑予之虢公請器王予之爵鄭伯由是始惡于王

醵鑑王后婦人之物非所以賜有功爵飲酒器玉爵也一升曰爵爵人之所貴者言鄭伯以其父得賜不如虢公爲是始惡于王積而成怨

本疏

翹翹車乘

二十二年

翹翹遠貌

詩漢廣疏

臣卜其晝未卜其夜

臣將享君必卜之示戒慎也

本疏攷證曰又見詩湛露疏臣下無將字卜下

無之字
戒作敬

五世其昌竝于正卿

言完後五世與卿竝列史記陳世家注

風行而著于土

吳在坤上故為著土也一曰吳為風復為木風吹木

實落去夏生他土而長育是為在異國本疏攷證曰疏云此之等

類皆取前後二卦以占吉凶賈服及杜竝皆同

冬饑二十八年

陰陽不和土氣不養故禾麥不成也傳言饑而經不

書者得齊之糴救民之急不至于饑也本疏

臧孫辰告糴于齊

無庭實也

能禮聘禮疏

不言如重穀急辭以其情急于糴

故不言如齊告糴乞師則情緩于穀故云如楚乞師

本疏

鬬射師諫

三十年

射師若敖子鬬班也

本疏

謀山戎也

山戎北狄蓋今鮮卑也

史記齊世家注

虞夏商周皆有之

三十二年

虞舜祖考來格鳳皇來儀百獸率舞

本疏

從之

從之言欲與通也

本疏

割臂盟公

割其臂以與公盟

史記魯世家注

圉人犂

圉人掌養馬者犂其名也

魯世家注

犂有力焉能投蓋于稷門

能投千鈞之重過門之上也

水經泗水注

使鍼季酖之

酖鳥一名運日鳥

史記魯世家注

成季奔陳

季友內知慶父之情力不能誅故避其難先奔

魯世家注

立閔公

閔公于是年九歲

閔二年疏

1801

春秋傳服氏注四

鄭氏佚書十五之四

鄭袁鈞學

閔公左氏傳解詁弟四

因重固

元年

重不可動因其不可動而堅固之

本疏

以滅耿滅霍滅魏

三國皆姬姓魏在晉之蒲坂河東也

史記晉世家注
攷證曰素隱引

魏在蒲坂四字又引首句元
和郡縣圖志引魏在六字

分之都城

邑有先君之主曰都

晉世家注

鄭氏佚書

春秋傳服氏注四

而位以卿先爲之極

言其祿位極盡于此也

晉世家注

萬盈數也魏大名也以是始賞天啟之矣

數從一至萬爲滿魏喻巍巍高大也以魏賞畢萬是

爲天開其福

晉世家注

初畢萬筮仕于晉

畢萬在周筮仕于晉

本疏

虢公敗犬戎于渭隊

二年攷證曰今本作渭汭據注服本是隊字今改正

隊謂汭也

水經渭水注

初公傅奪卜齋田公不禁

公卽位時年九歲

本疏

閔公之歿也哀姜與知之故孫子邾

文姜殺夫罪重故去姜氏哀姜殺子罪輕故不去姜

氏

本疏攷證曰疏傳賈服之說

季氏亾則魯不昌

謂季友出奔魯弑二君

本疏

鶴有乘軒者

車有藩曰軒

本疏

齊人使昭伯烝于宣姜

昭伯衛宣公之長庶伋之兄宣姜宣公夫人惠公之

鄭氏佚書

春秋左傳卷四

卷四

母詩牆有茨序疏

歸夫人魚軒重錦三十兩

魚獸名詩采薇疏重牢也本疏攷證曰又見史記晉世家注

伐東山舉落氏

赤翟之都也水經河水注世謂之哥亳城蓋聲相近通志都邑

略

以朝夕視君膳者也

廚膳飲食史記晉世家注

有守則從

有代太子守則從之晉世家注

從曰撫軍

助君撫循將士

晉世家注

君其舍之

舍之置申生勿使將兵

御覽皇親部太子類

不對而退

里克不對

御覽皇親部太子類

無懼弗得立

不得立已也

史記晉世家注

公衣之偏衣

偏袞之衣偏異色較不純袞在中左右各異故曰偏

衣

晉世家注

佩之金玦

以金爲玦也

晉世家注

是服也狂夫阻之

阻止也方相之士蒙立衣朱裳主索室中毆疫號之

爲狂夫止此服言君與太子以狂夫所止之服衣之

本疏

與其危身以速罪也

速召也疾也言太子不去自必危疾召罪狐突知其

雖亂本旣成而太子拘于一節不達至孝之義與皋

落雖戰勝而歸猶不能免于難而使父有悖惑殺子之罪故傳備眾賢之言以述太子所以死也經在僖公五年晉侯殺其世子申生

御覽皇親部太子類

成風聞成季之繇

繇抽也抽出吉凶也

易釋文

衛文公

戴公卒在于此年

詩定之方中序疏

春秋傳服氏注五

鄭氏佚書十五之五

鄧袁鈞學

僖公左氏傳解誼第五

諸侯救邢邢人潰出奔師

元年攷證曰疏云公羊以爲此言次于蕭北救邢與襄二

十三年叔孫豹救晉次于雍榆二事相反爲之作說言此是君也進止自由彼是臣也先通君命賈服取以爲說

公敗邾師于偃虛丘之戍將歸者也

虛丘魯邑魯有亂邾使兵戍虛丘魯與邾無怨因兵

將還要而敗之所以惡僖公也

本疏

君子以齊人殺哀姜也爲已甚矣女子從人者也

鄭氏佚書

春秋傳服氏注五

一

閔公成時年九歲閔二年疏攷趙曰此注未全疏傳二年注云云哀姜之葬在二年

經服蓋引經為說故疏傳此注在二年爾

請以屈產之乘二年

產產生也公羊疏

冀為不道入自顛軫伐鄭三門

謂冀伐晉也本鄭晉別都續漢書注

冀之既病則亦惟君故

謂虞助晉也將欲假道傳前恩以誘之本疏

城下陽

下陽虢邑在太陽東北三十里史記晉世家注攷證曰又見水經何水注

下作夏東下無北字
重下有城南二字

唯是風馬牛不相及也

四年

風放也北牡相誘謂之風

木疏攷證曰書貴
誓疏引賈說同

昔召康公

召公奭

史記齊世家注

命我先君太公曰五侯九伯女實征之

五侯公侯伯子男五等諸侯九伯九州之長太公爲

王官之伯掌司馬職以九伐之法征討邦國故得征

之

詩施王序疏攷證曰男下本無五等諸侯四字從
周禮大宗伯疏補入周禮疏引五等諸侯九州之

伯八字傳
賈服注

賜我先君履東至于海西至于河南至于穆陵北至于無棣

是皆太公始受封土地疆境所至也

史記齊世家注攷證曰索隱引

大公受封境界所至八字

昭王南征沒而不復寡人是問

攷證曰今本無沒字從宋本

周昭王南巡狩涉漢未濟船解而溺昭王王室諱之

不以赴諸侯不知其故故桓公以為辭責問楚也

齊世家

注家

楚國方城以為城漢水以為池

方城山名也

詩殷武疏

在漢南

史記齊世家注攷證曰齊世家注上承方城山三字

索隱止引漢水名皆楚之隘塞耳詩殷武疏

屈完及諸侯盟

言來者外楚也嫌楚無罪言來以外之本疏攷證曰疏云公羊傳

曰屈完者何楚大夫也何以不偁使尊屈完也曷為尊屈完以當桓公也服虔取以為說經書楚屈完來盟于師此言來上當有經字

太子祭于曲沃

齊姜廟所在史記晉世家注

公既視朔遂登觀臺以望而書五年

人君入太廟視朔告朔天子曰靈臺諸侯曰觀臺在

明堂之中禮記玉藻疏攷證曰又見通典吉禮篇大享明堂引無告朔二字詩靈臺疏引靈臺

春秋傳服氏注五

三

在大廟明堂之中 若登臺而不視朔則書時不書月

若視朔而不登臺則書月不書時若雖無事視朔登

臺則空書時月

禮記中庸疏攷證曰中庸疏稱賈服之義

狐裘蒙茸一國三公吾誰適從

蒙茸以言亂貌三公言君與二公子將敵故不知所

從

史記晉世家注

披斬其袪

袪袂也

晉世家注

會王太子鄭謀寧周也

惠王以惠后故將廢太子鄭而立王子帶故齊桓帥

諸侯會王太子以定其位

御覽皇親部太子類

諺所謂輔車相依

輔上領車也與牙相依

詩碩人疏

且虞能親于桓莊乎甚愛之也

攷證曰今本甚作其據注服本作甚

愛之甚當謂愛桓莊之族甚也

木疏

民不易物惟德繫物

繫發聲也言黍稷牲玉不易無德薦之則不見譽有

德則言譽言物爲有德用也

詩刺酌疏

均服振振

均同也

周禮雞人疏攷證曰疏傳賈服等皆爲均而文選注引服說作均是雞人疏字譌賈服本

異故疏云然若作均則同今本矣漢書五行志作均
師古以為黑衣戎事上下同服故均亦有同義今改

正 衾服黑服也文選潘岳
閑居賦注

而修虞祀

虞所祭祀命祀也史記晉
世家注

子華由是得罪于鄭七年

鄭伯罪之也御覽皇親
部太子類

以敗狄于采桑八年

翟地史記晉世家注攷
證曰又見索隱

凡夫人不薨于寢不殯于廟

不薨于寢寢謂小寢不殯于廟廟謂殯宮鬼神所在

謂之廟

禮記檀弓疏攷證曰密大記疏引儀謂小寢也五字

以伯舅臺老

九年

七十曰耄

詩車鄰疏攷證曰又見禮射義爾雅釋言二疏

及高粱

晉地也

史記齊世家注

公謂公孫枝

秦大夫公孫子桑

史記秦本紀注

子弑二君與一大夫

十年

奚齊卓子荀息也

史記晉世家注

狐突適下國

鄭氏失書春秋傳服氏注五

晉所滅國以爲下邑一曰曲沃有宗廟故謂之國在

絳下故曰下國也

晉世家注

余得請于帝矣

帝天帝請罰有罪

晉世家注

及七輿大夫

下軍之輿帥七人屬申生者襄二十三年下軍輿帥

七人往前申生將下軍今七輿大夫爲申生報怨樂

盈將下軍故七輿大夫與樂氏

本疏

齊侯使管夷吾平戎于王使隰朋平戎于晉

十二年

□□□戎伐周晉伐戎救周故和也

史記周本紀注
攷證曰服以和

訓平此注前當有平和也
三字引者脫爾空方記之

陪臣敢辭

陪重也諸侯之臣于天子故曰陪臣

周本紀注

謂百里

十三年

秦大夫

史記晉世家注

沙鹿崩

十四年

沙山名鹿山足林屬于山曰鹿

本疏

號射曰

號射惠公舅

史記晉世家注

公曰不孫

十五年

鄭天失聲春秋傳服氏注五

孫順

晉世家注

步揚御戎家僕徒爲右

二子晉大夫也

晉世家注

駱秦伯

駱迎也

晉世家注攷證曰又見索隱

晉于是乎作爰田

爰易也賞畝以田易其疆畔

太疏攷證曰疏傳服虔孔晃皆云

其繇曰士刳羊亦無益也女承筐亦無貺也西隣責言不可償也歸妹之睽猶无相也

離爲戈兵兌爲羊震變爲離是用兵刺羊之象也三

至五有坎象坎爲血血在羊上故刺無血也震爲竹
竹爲筐震變爲离离爲火火動而上其施不下故筐
無實也三至五爲坎坎爲月月生西方故爲西隣坎
爲水兌爲澤澤聚水故坎責之澤澤償水則竭故責
言不可償兌爲金离爲火金火相遇而相害故無助

也

本疏

爲雷爲火爲羸敗姬車說其輶火焚其旗不利行師敗
于宗丘

离爲日爲火秦羸姓水位三至五有坎象水勝火故
爲羸敗姬五至三有坎爲水象震爲車車得水而說

其馭也震為龍龍為諸侯旗離之震故火焚其旗也

震東方木兌西方金木遇金必敗韓有先君之宗廟

故曰宗丘

本疏

寇張之弧

坎為寇為弓故曰寇張之弧

本疏

此一役也

一役者謂韓戰之役

本疏

箕子曰

紂之庶兄

本疏

君失問是陰陽之事非吉凶所生也

十六年

鵲退風咎君行所致非吉凶所從生襄公不問已行何失而致此變但問吉凶勇在以為石隕鵲退吉凶

所從而生故云君失問

本疏

故名男曰圉女曰妾

十七年

圉人掌養馬臣之賤者不聘曰妾

史記晉世家注

齊侯好內

內婦官也

史記齊世家注

因內寵以殺羣吏

內寵如夫人者六人羣吏諸大夫也

齊世家注

凡啟塞從時

二十年

闔扇所以開鍵閉所以塞月令仲春修闔扇孟冬修

鍵閉從時從此時也

本疏

修城郭

二十一年

國家凶荒則無道之國乘而加兵故修城郭爲守備

也

本疏

寡君之使婢子侍執巾櫛

二十二年

曲禮曰世婦以下自傅婢子婦人之卑傅也

史記

晉世家注

富辰言于王

富辰周大夫

史記周本紀注

齊侯伐宋圍緡以討其不與盟于齊也

二十三年

魯僖公十九年諸侯盟于齊以無忘桓公之德宋襄

公欲行霸道不與盟故伐之

史記齊世家注

策名委質

古者始仕必先書其名于策委死之質于君然後爲

臣示必死節于其君也

史記弟子傳索隱

司空季子

胥臣曰季也

史記晉世家注

將行謀于桑下蠶妾在其上以告姜氏姜氏殺之

懼孝公怒故殺之以滅口也

晉世家注

鄭氏佚書

春秋傳服氏注五

二十乘

八十四 史記宋世家注

降服而囚

申意于楚子仲于知己降服于懷嬴屈于不知己 本疏

臣負羈紲 二十四年

一曰犬彊曰紲古者行則有犬 本疏

軍于郇

郇國在解縣東郇瑕氏之墟也 水經涑水注攷證曰水經注京相璠曰春秋

秋土地名桑泉曰袁竝在解東南不言解明不至解可知今解故城東北二十四里有故城在猗氏故城西北鄉俗名之為郇城攷殷虞之說又與俗符賢于杜氏單文孤證矣

晉侯逆夫人嬴氏

繆公女

史記秦本紀注

上下相蒙

蒙欺也

史記晉世家注

鄭伯怨惠王之入而不與厲公爵也又怨襄王之與衛滑也

惠王以后之輦鑑與鄭厲公而獨與虢公王爵滑小

國近鄭世世服從而要違叛鄭師伐之聽命後自慙

于王王以與衛

史記周本紀注

召穆公

召穆公王卿士

詩黍苗序疏

召康公十六世孫然康公與

成王同時穆公與厲王竝世而世數不同者生子有

早晚壽命有長短故也

詩民勞序疏攷證曰前有穆公二字文重節去

又有厲宣之親

母弟

詩鄭譜疏

遇黃帝戰于阪泉之兆

二十五年

阪泉地名

史記五帝本紀注

次于陽樊

陽樊周地陽邑名也樊仲山之所居故曰陽樊也

史記

晉世家注攷證曰樊已下又見劉昭續漢書注黃微碧溪詩話山下有甫字

修衛文公之好

明不失子道

禮記曲禮疏攷證曰經云公會衛子莒

富有經稱衛子

四字引者說尔

公使展喜犒師

二十六年

以師枯槁故饋之飲食勞苦謂之勞也

木

室如縣磬

言室屋皆發撤榱桷在如縣磬

本疏

夔子

夔楚熊渠之孫熊摯之後夔在巫山之陽秭歸鄉

史記

楚世家注攷證曰水經

江水注引在巫八字

郭氏失聲

春秋傳服氏注五

自南河濟

二十八年

南河濟南之東南流河也

史記衛世家注

衛侯出居于襄牛

衛地也

史記晉世家注

非敢必有功也願以閒執讒慝之口

子玉非敢求有大功但欲執為賈讒慝之口謂子玉

過三百乘不能入也

晉世家注

而鹽其腦

如俗語相罵云噍女腦矣

本疏

作王宮于踐土

既敗楚師襄王自往臨踐土賜命晉侯晉侯聞而爲

之作宮

史記晉世家注

駟介百乘徒兵千

駟介駟馬被甲也徒兵步卒也

晉世家注

旅弓矢千

矢千則弓十

詩彤弓序疏

王子虎盟諸侯于王庭

王庭踐土也

史記晉世家注疏證曰又見索隱

楚子玉自爲瓊弁玉纓

謂馬飾

禮記王制疏

鄭氏失書

春秋傳服氏注五

天王狩于河陽

河陽溫也

水經河水注攷證曰水經注倘賈逵服虔之說史記周本紀引作賈注陽下有晉之

二字

晉侯作三行

辟天子六軍故謂之三行也

史記晉世家注

介葛盧聞牛鳴曰是生三犧皆用之矣其音云問之而信
二十九年

言入律之音聽禽獸之鳴則知其嗜欲生死可知伯

益明是術故堯舜使掌朕虞至周失其道官又在四

夷

周禮夷隸疏攷證曰賈服同疏引此注下卽云賈服意誤不與禮合故爲此說

鄭公子蘭出奔晉

三十年

公子蘭鄭文公賤妾燕姑之子穆公口子鄭逐羣公

子故奔晉也

御覽皇親部太子類

請無與圍鄭許之

晉善蘭不忘本國故也

御覽皇親部太子類

使待命于東

待命于鄭東也

御覽皇親部太子類

有昌歆

昌歆昌本之菹

周禮藟人疏

形鹽

鄭氏佚書

剋形

疏 避人

東門襄仲將聘于周遂初聘于晉

先聘晉後聘周

本疏攷證曰疏傳賈服解

猶三望

三十一年

三望分野之星國之山川

本疏攷證曰疏傳賈逵服虔周禮小宗伯疏引服氏

注野下無之字國之作國中穀梁疏引同周禮疏又傳賈注

秦師輕而無禮

三十三年

無禮謂過天子門不櫜甲束兵而但免胄

本疏

惟是脯資餼牽竭矣

惺曰餼

儀禮聘禮疏

遂墨以葬文公

非禮也

史記晉世家注

文夫人斂而葬之鄆城之下

鄆城故鄆國之墟

詩鄭譜疏

特祀于主烝嘗禘于廟

特祀于主謂在寢烝嘗禘于廟者三年喪畢遭烝嘗

則行祭皆于廟焉

儀禮士虞禮疏

遭烝嘗乃于廟則自三年

以前未得遷于廟而禘祭

禮記檀弓疏